

脉經卷之八

平卒尸厥脉証第一

平痙濕暍脉証第二

平陽毒陰毒百合狐惑脉証第三

平霍亂轉筋脉証第四

平中風歷節脉証第五

平血痺虛勞脉証第六

平消渴小便利淋脉証第七

平水氣黃汗氣分脉証第八

平黃疸寒熱瘧脉証第九

平胸痺心痛短氣賁脉脉証第十

平腹滿寒疝宿食脉証第十一

平驚悸衄吐下血胃滿瘀血脉証第十二

平五藏積聚脉証第十三

平嘔噦下痢脉証第十四

平肺痿肺癰欬逆上氣淡飲脉証第十五

平癰腫腸癰金瘡侵淫脉証第十六

平卒尸厥脉証第一

寸口沉大而滑沉則為實滑則為氣實氣相傳
血氣入於藏即死入於肺腑即愈此為卒厥不
知人唇青身冷為入藏即死如身溫和汗自出
為入腑而復自愈

平瘧濕喝脉証第二

凡二十七條
瘧一作瘧

太陽病發熱無汗而反惡寒者名剛瘧

太陽病發熱汗出而不惡寒者名柔瘧

一作惡寒

太陽病發熱其脉沉而細者為瘧

太陽病發熱其汗因致瘧

論云發其汗太多因致瘧

病者身

熱足寒頸項強急惡寒時頭熱面赤目脉赤獨

頭動搖者為瘧

論云獨頭面搖卒口噤背反張者瘧病也

太陽病無汗而小便反少氣上衝胃口噤不得

言名曰瘧葛根湯主之

剛瘧為病胸滿口噤卧不着席脚攣急其人必
斷齒可與大承氣湯

瘧病發其汗已其脉澹澹如蛇暴腹脹大者為

欲解脉如故反復弦者必瘧

一云瘧脉出欲已

瘧脉來按之築築而弦直上下行

瘧家其脉伏堅直上下

夫風病下之則瘧復發其汗必拘急

太陽病其症備身體強几几然脉沉遲此為瘧
枯萋桂枝湯主之

瘧病有灸瘡難療

瘡家雖身疼痛不可發其汗汗出則瘧

太陽病關節疼痛脉沉而緩者為中濕

論云中濕為濕

痺濕痺之候其入小便不利大便反快但當利其小便

病者一身盡疼

一云疼煩

發熱日晡即劇此為風濕

汗出所致也

論云此病傷於汗出當風或久傷取冷所致

濕家之為病一身盡疼發熱而身色似熏黃也
濕家之為病其人但頭汗出而背強欲得被覆
向火若下之蚤則噦或胃滿小便利不利一云舌
上如胎此為丹田有熱胸上有寒渴欲飲而不
能飲則口燥也

濕家下之額上汗出微喘小便利一云不利者死若下

利不止者亦死

問曰風濕相搏身體疼痛法當汗出而解值天

陰雨不止師云此可發汗而其病不愈者何也
荅曰發其汗汗大出者但風氣去濕氣續在是
故不愈若治風濕者發其汗微微似欲出汗者
則風濕俱去也

濕家身煩疼可與麻黃湯加朮四兩發其汗為
宜慎不可以火攻之

風濕脉浮身汗出惡風者防已湯主之

病人喘頭疼鼻塞而煩其脉大自能飲食腹中
和無病病在頭中寒濕故鼻塞內藥鼻中即愈

論云濕家病身疼癢發熱
面黃而喘頭痛鼻塞而煩

傷寒八九日風濕相搏身體疼痛不能自轉側
不嘔不渴脉浮虛而澀者桂枝附子湯主之若
其人大便鞭小便自利者朮附子湯主之

風濕相搏骨節疼煩掣痛不得屈伸近之則痛
劇汗出短氣小便不利惡風不欲去衣或身微
腫者甘草附子湯主之

太陽中熱暍是也其人汗出惡寒身熱而渴也
白虎湯主之

太陽中暍身熱疼重而脉微弱此以夏月傷冷水水行皮膚中所致也瓜蒂湯主之

太陽中暍發熱惡寒身重而疼痛其脉弦細訖遲小便已洒洒然毛聳手足厥冷小有勞身熱口前開板齒燥若發其汗惡寒則甚加溫針則發熱益甚數下之淋復甚

平陽毒陰毒百合狐惑脉證第三 凡七條

陽毒為病身重腰背痛煩悶不安狂言或走或見鬼或吐血下痢其脉浮大數面赤斑斑如錦

文咽喉痛唾膿血五日可治至七日不可治也
有傷寒一二日便成陽毒或服藥吐下後變成
陽毒升麻湯主之

陰毒為病身重背強腹中絞痛咽喉不利毒氣
攻心心下堅強短氣不得息嘔逆唇青面黑四
肢厥冷其脉沉細緊數身如被打五六日可治
至七日不可治也或傷寒初病一二日便結成
陰毒或服藥六七日以上至十日變成陰毒其
草湯主之

百合之為病其狀常默默欲卧復不能卧或如
強健人欲得出行而復不能行意欲得食復不
能食或有美時或有無寒如熱無熱朝至口
苦小便赤黃身形如和其脉微數百脉一宗悉
病各隨症治之

百合病見於陰者以陽法救之見於陽者以陰
法救之見陽攻陰復發其汗此為逆其病難治
見陰攻陽乃復下之此亦為逆其病難治千金方云
見在於陰而攻其陽則陰不得解也復發其汗
為逆也見在於陽而攻其陰則陽不得解也復

下之其
病不愈

狐惑為病其氣如傷寒默默欲眠目不得閉卧
起不安蝕於喉為惑蝕於陰為狐狐惑之病並
不欲飲食聞食臭其面目乍赤乍白乍黑其毒
於上者則聲喝其毒蝕於下部者則咽乾蝕於
上部瀉心湯主之蝕於下部苦參湯淹洗之食
於肛者雄黃熏之喝一作啞
其人脉數無熱微煩默默欲卧汗出初得三四
日目赤如鳩眼得之七八日目四眦黃黑若能

食者膿已成也赤小豆當歸散主之

病人或從呼吸上蝕其咽或從下膈蝕其肛陰蝕上為惑蝕下為狐狐惑病者猪苓散主之

平霍亂轉筋脉証第四 凡二條

問曰病有霍亂者何師曰嘔吐而利此為霍亂問曰病者發熱頭痛身體疼惡寒而復吐利當屬何病師曰當為霍亂霍亂吐利止而復發熱也傷寒其脉微澀本是霍亂今是傷寒却四五日至陰經上轉入陰必吐利

轉筋為病其人臂脚直脉上下行微弦轉筋入腹雞屎白散主之

平中風歷節脉証第五

凡九條

夫風之為病當半身不遂或但臂不遂者此為痺脉微而數中風使然

頭痛脉滑者中風風脉虛弱也

寸口脉浮而緊緊則為寒浮則為虛虛寒相搏邪在皮膚浮者血虛絡脉空虛賊邪不瀉或左或右邪氣反緩正氣則急正氣引邪喎僻不遂

邪在於絡肌膚不仁邪在於經則重不勝邪入
於腑則不識人邪入於藏舌即難言口吐涎
寸口脉遲而緩遲則為寒緩則為虛榮緩則為
血亡衛遲則為中風邪氣中經則身癢而癰瘡
心氣不足邪氣入中則腎滿而短氣
跌陽脉浮而滑滑則穀氣實浮則汗自出
少陰脉浮而弱弱則血不足浮則為風風血相
搏則疼痛如掣

盛人脉濇小短氣自汗出歷節疼不可屈伸此

皆飲酒汗出當風所致也

寸口脉沉而弱沉則主骨弱則主筋沉則為腎
弱則為肝味酸則傷筋筋傷則緩名曰泄鹹則
傷骨骨傷則痿名曰枯枯泄相搏名曰斷泄榮
氣不通衛不獨行榮衛俱微三焦無御四屬斷
絕身體羸瘦獨足腫大黃汗出脛冷假令發熱
便為歷節也病歷節疼痛不可屈伸烏頭湯主
之

諸肢節疼痛身體魁癰脚腫如脫頭眩短氣溫

溫欲吐桂枝芍藥知母湯主之

平血痺虛勞脉證第六 凡十四條

問曰血痺從何得之師曰夫尊榮人骨弱肌膚
盛重因疲勞汗出起卧不時動搖如被微風遂
得之形如風狀巢原云其狀如但其脉自微澹
在寸口關上小緊宜針引陽氣令脉和緊去則
愈

血痺陰陽俱微寸口關上微尺中小緊外症身
体不仁如風狀黃芪桂五物湯主之